

# I dat in segund scrutini

## Vinavant confidenza en il president da la citad

DA GION NUTEGN STGIER / ANR

■ **Urs Marti resta president da la citad da Cuira. Il suveran ha reelegi el cun in resultat excellent. Confirmà sco cusseglier da la citad è vegnì Tom Leibundgut. Dals ulteriurs sis candidats per quel gremium ha nagin obtegnì la maiorità absoluta.** Sonda e dumengia han ils votants e las votantas da Cuira gì dad eleger ils commembers dal cussegl da la citad sco er ils commembers dal parlament communal. Sa mess a disposiziun per las tschernas en l'executiva èn set candidats ed ina candidata.

### Ina participaziun da stgars 41%

L'interess per las elecziuns da la citad è stà avant maun, èn tuttina stgars 41% da las persunas cun il dretg da votar idas a l'urna per eleger ils cussegls da la citad. *Urs Marti*, il liberal, è vegnì reelegi cun 5633 vuschs e quai tar ina maiorità absoluta da 3793 vuschs. L'actual president da la citad cumenza sia segunda perioda d'uffizi ed è sa mussà satisfatg da ses resultat brigliant. In resultat da vaglia ha er obtegnì *Tom Leibundgut*, l'actual cusseglier da la citad da la glista libra. Retschet ha el 4671 vuschs e stà fitg cuntent da sia reelecziun. *Leibundgut* è bainvesì en il



**Cun bleras vuschs è Urs Marti da la pld vegnì confirmà en ses uffizi sco president da la citad da Cuira.**

FOTO G. N. STGIER

ravugl da tut las partidas, quai che ses resultat conferma er. Mantgantà da vegnir elegi en il cussegl da la citad e quai be per 308 vuschs (total 3483 vuschs) ha *Patrik Degiacomi*, da la ps, el che duess remplazzar *Doris Caviezel-Hidber*, er da la ps. Ils ulteriurs quatter candidats e la candidata han fatg las suandantas vuschs: *Marco Tscholl*, pbd, 2139 vuschs, *Hanspeter*

*Hunger*, pps 2079 vuschs, *Peter Portmann*, pcd, 1849 vuschs, *Beath Nay*, pps, 920 vuschs e *Salome Mathys*, verd-liberal, 887 vuschs. Cun betg obtegnair quels sis candidats la maiorità absoluta datti in segund scrutini e quai ils 26 da quest mais. Da supponer è che *Beath Nay* e *Segir Salome Mathys* sa mettan betg pli en elecziun.